

Ժողովուրդ

125
(2975)

18 սեպտեմբերի չորեքշաբթի 2024
տպագրության ԺԳ տարի

✉ ք. Երևան, Արուսյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՈՒՍՈՒՄՆԱԿԱՆ ՊՐԱԿՏԻԿԱՆ ԱԺ-ՈՒՄ Է ԱՆՑԵԼ ԸՆՏՑԱՆՔ



ԱԺ աշխատակազմի ղեկավար Դավիթ Առաքելյանը, Նշանակվելով ՀՀ բարձր պաշտոնի, որոշել է նոր մասնագիտություն ձեռք բերել, բայց կրթական ողջ գործընթացը խիստ կասկածահարույց է: Նա պրակտիկա է անցել իր ղեկավարած հիմնարկությունում, ինչը, ըստ մասնագետների, քրեական բնույթի հանցագործություն է:

«Ժողովուրդ» օրաթերթը տեղեկություններ ստացավ, որ ԱԺ աշխատակազմի ղեկավար-գլխավոր քարտուղար Դավիթ Առաքելյանը խիստ արտոնյալ պայմաններում է ՀՀ գիտությունների ազգային ակադեմիայում ուսանել: դասապրոցներին գրեթե չի մասնակցել, քննությունները հանձնել է արտոնյալ կարգավիճակով, եւ անգամ համակուրսեցիները չեն հիշում նրան կամ դժվարությամբ են մտաբերում որպես ուսանողի: Դե իսկ ուսումնական պրակտիկան էլ անցել է հենց Նույն Ազգային ժողովում, որտեղ աշխատակազմի ղեկավար է:

Այս տեղեկությունները փորձեցինք նախ ճշտել ՀՀ գիտությունների ազգային ակադեմիայից: Սակայն Գիտակրթական միջազգային կենտրոնի ղեկավար Ատոմ Մխիթարյանը մոտ 2 էջ հիմնավորում ուղարկեց, որ բարձրաստիճան պաշտոնյա Դավիթ Առաքելյանի ուսումնական գործընթացի մասին որեւէ տեղեկություն չի կարող տրամադրել, քանի որ դրանք անձնական տվյալներ են: Բայց հանրային շահն այստեղ առավել կարեւոր է. ուստի «Ժողովուրդ» օրաթերթը, ինչպես միշտ, առաջնորդվում է հանրային շահով: Հարցաշար ուղարկեցինք նաեւ Ազգային ժողով՝ Դավիթ Առաքելյանից հետաքրքրվելով՝

1. Ի՞նչ առաջադիմությամբ եք սովորել ԳԱԱ-ում
2. Ի՞նչ հաճախականությամբ եք մասնակցել դասապրոցներին
3. որքան եք բացակայել դասաժամերից եւ ի՞նչ հիմնավորմամբ են դրանք հարգելի համարվել
4. մագիստրոսական թեզի պաշտպանությունն ինչպե՞ս է անցել, ո՞վ կամ ովքե՞ր են ղեկավարել Ձեր թեզը
5. ո՞րտեղ եք անցել ուսումնական փորձառությունը (պրակտիկան) եւ ո՞ւմ ղեկավարմամբ
6. ուսումնական փորձառության (պրակտիկա) ի՞նչ արդյունք եք գրանցել»:

Այս հարցերին պատասխանել է աշխատակազմի ղեկավարի տեղակալ Էդուարդ Խանգուրյանը՝ հայտնելով, որ Դավիթ Առաքելյանն իր ուսումնական պրակտիկան անցկացրել է ԱԺ-ում, իսկ մյուս հարցերին խուսափել է պատասխանելուց՝ թերեւս ասելիքի բացակայության կամ իրականությունը թաքցնելու հիմքով:

Շարունակությունը՝ ArmLur.am կայքում:

Մինչ արդարադատության նախարար Գրիգոր Մինասյանի գլխավորությամբ ձեռավորված Սահմանադրական բարեփոխումների խորհուրդը զբաղված է Մայր օրենքի հիմնական դրույթների փոփոխությամբ՝ ՀՀ ԱԳՆ-ից պնդում են՝ Սահմանադրությանն առնչվող հարցերը հանդիսանում են Հայաստանի Հանրապետության ներքին գործը: «Ժողովուրդ» օրաթերթն օրեր առաջ հարցում էր ուղարկել ՀՀ ԱԳՆ՝ պարզելու, թե ինչ փուլում են Ադրբեջանի հետ խաղաղության պայմանագրի շուրջ բանակցությունները, ինչ ժամկետում են կողմերը պատրաստվում ստորագրել փաստաթուղթը, ինչպես նաեւ հետաքրքրվել էինք՝ հայկական կողմը պատրաստվում է կատարել արդյոք Ադրբեջանի՝ ՀՀ Սահմանադրությունը փոխելու պահանջը, որը որպես խաղաղության պայմանագրի ստորագրման հիմնական նախապայման է համարում Իլիամ Ալիևը: ՀՀ ԱԳՆ-ից, մեր հարցին ի պատասխան, հայտնել են. «ՀՀ Սահմանադրությանն առնչվող հարցերը հանդիսանում են Հայաստանի Հանրապետության ներքին գործը»: Այսինքն՝ մի կողմից արդարադատության նախարարի գլխավորությամբ Սահմանադրական բարեփոխումների խորհուրդն այս օրերին նիստեր է անում, քննարկում Մայր օրենքը փոփոխելու հարցը, մի կողմից էլ ՀՀ ԱԳՆ-ից պնդում են, որ դա Ադրբեջանի նախապայմանը չէ: Ինչ վերաբերվում է բանակցությունների վերաբերյալ հարցերին՝ ԱԳՆ-ից հերթական անգամ խուսափողական պատասխան են տվել. «Հայաստան-Ադրբեջան հարաբերությունների կարգավորման, ինչպես նաեւ երկու երկրների միջեւ խաղաղության պայմանագրի ստորագրման գործընթացի շրջանակներում հանրայնացման ենթակա տեղեկատվությունը պատշաճ կերպով եւ ողջամիտ պահանջներով տրամադրվում է հանրությանը»:



Նորելուկ օլիգարխ Նարեկ Նալբանդյանից բացի, նաեւ Դավիթ Երեմյանի պատկանող բոլոր բիզնեսներն են դարձել արտոնյալ՝ ստանալով պետական ամենամեծ աջակցությունները: «Ժողովուրդ» օրաթերթի տեղեկությունների համաձայն՝ բացի միջոցառումների համար պետական կառույցներին սնունդ մատուցելու ծառայությունից, Երեմյաններն իրենց պայտույթը մեծացրել են նաեւ Ամուլսարի, Թեղուտի եւ Սոթքի հանքերում սննդի ապահովման գործընթացի մասով: Բանն այն է, որ հանքերի աշխատանքների վերսկսման հետ մեկտեղ պայմանագրեր են կնքվել հանքերի աշխատակիցների սնունդը «Երեմյան Փրոջեքթս» կողմից ապահովելու համար: Տեղեկության երկրորդ կողմին լսելու համար «Ժողովուրդ» օրաթերթը հարցումով դիմեց «Երեմյան Փրոջեքթս» ընկերության տնօրեն Դավիթ Երեմյանին՝ խնդրելով ասել, որ թե՛ տեղեկատվությունը ճիշտ է, ապա որ հանքերում է ընկերությունը սննդի ծառայություններ մատուցում: Խնդրել էինք պատասխանել նաեւ, թե ինչով է պայմանավորված այն հանգամանքը, որ հանքերում սննդի սպասարկման համար պայմանագրեր կնքվում են միայն «Երեմյան Փրոջեքթսի» հետ՝ առանց մրցակցության. արդյոք դա պայմանավորված է իշխանության հետ որոշակի համաձայնություններով: Մեր հարցմանն ի պատասխան՝ ընկերությունը հղումներ է արել մի քանի օրենքների, որոնք չեն ենթադրում տեղեկատվության ազատության կամ գաղտնիության սահմանափակում: Նույնիսկ կարծիք ենթադրող մեր 2-րդ հարցն անգամ պատասխանի չի արժանացել: Հավելենք, որ «Երեմյան Փրոջեքթս» ապրում է իր գոյության բաղձալի ժամանակները...

Շարունակությունը՝ ArmLur.am կայքում:



ՀՀ արդարադատության փոխնախարար Սիրվարդ Գեորգյանի նշանակումը այդ բարձր պաշտոնում ոչ միայն ԶՊ մի մասի զայրույթն է հարուցել, այլև նրա նախկին ընկերների համար է անհասկանալի: Գեորգյանը, փոխնախարար նշանակվելուց հետո, իրեն համարեց «ստուռ ԶՊ-ական», հայտարարեց մոտավորապես հետևյալը՝ «Չեմ ճանաչում Քոչարյաններին (ՀՀ 2-րդ նախագահ, խմբ.), սիրում եմ Նիկոլ Փաշինյանին: Իհարկե, Ռոբերտ Քոչարյանի գիրքը սրտին սեղմած Սիրվարդ Գեորգյանի հիշյալ հերքմանը քչերը կլինեն, որ կհավատան: Սակայն նրա սերն առ ԶՊ ակնհայտորեն առավել արդի է: Սիրվարդ Գեորգյանն իր ֆեյսբուքյան էջում փոխել է անունը՝ «Սիվիկ», որը տառացի ԶՊ-ի «պաշտոնաթերթ»՝ «Սիվիկ.am» կայքի անվանումն է: Մինչդեռ քաղաքականապես կրոնափոխ եղած փոխնախարարը հիմքեր ուներ «սիրելու» ոչ թե ԶՊ-ին, այլ հենց Ռոբերտ Քոչարյանին, քանզի նրա հայրը «թալանի դարաշրջանի» կարկառուն դեմքերից է՝ մաքսային վարչության պետ Հուսիկ Գեորգյանը, ով իր կարիերայի համար պարտական է բացառապես «գրքի հերոսին»: Հենց նախկինների օրոք է Հուսիկ Գեորգյանը զբաղեցրել ամենակոռումպացված եւ եկամտաբեր պաշտոնները՝ 1994-1998 թթ. ՆԳ եւ ԱԱ նախարարության մաքսաներկության դեմ պայքարի վարչության պետից մինչեւ, ինչպես վերը նշեցինք, ՀՀ Մաքսային վարչության պետ:



ԶՐՈՒՅՑ

ԱԶԱՏԵԼ ԵՆ ՔԱՂԱՔԱԿԱՆ ՀԱՅԱՑՔՆԵՐԻ ՀԱՄԱՐ

Նիկոլ Փաշինյանի որոշումը՝ սեղանների 13-ին Իգոր Սարգսյանն ազատել է բնադատության և ընդերքի սեպտական մարմնի ղեկավարի սեպտակալի դաշնակցից: Վերջինս վարչապետի՝ սեղանների 11-ի որոշումը էր վերականգնվել այդ դաշնակցում:

Նշենք, որ Իգոր Սարգսյանը Բագրատ Սրբազանի նախաձեռնած շարժման ակտիվ մասնակիցներից է:

Պարոն Սարգսյան, Դուք սեպտեմբերի 11-ին վերականգնվել էիք բնապահպանության և ընդերքի տեսչական մարմնի ղեկավարի տեղակալի պաշտոնում, սակայն ընդամենը 2 օր պաշտոնավարեցիք. ամսի 13-ին Նիկոլ Փաշինյանի որոշմամբ, դատարանի ճշմամբ, աշխատանքից ազատվեցիք: Ի՞նչ պատճառաբանություններ են ներկայացվել Ձեզ, և այս երեւոյթն ինչպե՞ս կորակեցիք:

Նախ, նշեմ, որ ոչ թե երկու, այլ անգամ մեկ օր չեմ կարողացել աշխատել. ամսի 12-ին ինձ ծանուցել են վարչապետի որոշման մասին, 13-ին տեղեկացել եմ, որ ազատված եմ աշխատանքից: Ոչ մի պատճառաբանություն չի տրվել, պարզապես նշել են օրենքի այն հոդվածները, որով ինձ ազատել են աշխատանքից: Իհարկե, դեռ հարցում պետք է իրականացնեմ հասկանալու, թե որն էր հիմքը՝ ինձ աշխատանքից ազատելու:

Իսկ Դուք որեւէ վարկած, դիտարկում ունե՞ք, սխալ էք թույլ տվել, թե՞ քաղաքական որոշում է...:

Պատճառը քաղաքական է, եւս մեկ անգամ համոզվեցի, սակայն նախկինում չեմ ցանկացել ասել՝ «քաղաքական» որոշում է, համարել եմ այն աշխատանքային վեճ, որը կարող էր լուծվել դատարանի միջոցով:

2023 թվականի մայիսին եւս նման խնդիրներ եղան, վճռաբեկ դատարանը որոշում կայացրեց պաշտոնական պարտականություններս վերականգնելու, սակայն չվերականգնեցին այդպես էլ. ստիպված մեկ տարի 4 ամիս վարչական



դատարաններ դիմեցին, սահմանադրական դատարանի որոշումից հետո դարձյալ վճռաբեկ դատարան դիմեցին, որ ինձ աշխատանքի չընդունեին, սակայն վճռաբեկ դատարանը եւս երկու անգամ այս նույն գործի շրջանակում նշեց, որ, «ոչ, վճիռն ուժի մեջ է մտնում, պարտավոր եք պաշտոնյային վերականգնելու աշխատանքի»: Հիմա վերականգնեցին, սակայն մեկ օր չանցած՝ որոշում կայացրին ազատելու:

Իսկ մեկ օրվա ընթացքում հասցրել էիք ինչ-որ աշխատանք կատարել, կամ գոնե ծանոթանալ աշխատակիցների հետ:

Եւս աշխատակիցների հետ ծանոթանալու խնդիր չունեի. ծանոթացել եմ տեսչական մարմնի ղեկավարի հետ. իր մոտ եմ եղել ամսի 12-ին: Տեսչական մարմնի ղեկավարն է ծանոթացրել ինձ վարչապետի որոշմանը, զրուցել եւք

ընդհանրապես աշխատանքի վերաբերյալ: Ես կարծում եմ նա պատկերացրեց, որ իմ մասնագիտական գիտելիքները եւ աշխատանքային փորձը, հմտությունները բավարարում են աշխատելու համար: Դա վճռաբեկ դատարանով եւ մի քանի դատարաններով ֆիքսվեց, որ եւս մասնագիտական գիտելիքների եւ աշխատանքային ունակությունների անբավարարության խնդիր չունեմ, նամանավանդ, որ բնագետ եմ մասնագիտությամբ, եւ գրեթե 20 տարի աշխատել եմ այդ ոլորտում:

Իսկ պատրաստվում էք վիճարկել որոշումը:

Այս պահին դեռեւս հստակ որոշում չունեմ: Կպահանջեմ, որ ինձ տրամադրեն ազատման հիմքերը, ըստ այդմ կորոշեմ աշխատել իրենց հետ, թե՞ չաշխատել:

Զրուցեց ՔՐԻՍՏԻՆԱ ՍՈՒՇԵՂՅԱՆԸ



ՊԱՅՄԱՆԱԳԻՐԸ ՉԵՆ ՄՏՈՐԱԳԻՐ

Ադրբեջանի իշխանությունները չեն պատրաստվում Հայաստանի հետ ստորագրել խաղաղության պայմանագիրն այնպես, ինչպես առաջարկում է Հայաստանի վարչապետ Նիկոլ Փաշինյանը: Այդ մասին հայտարարել է այդ երկրի արտաքին գործերի նախարարության մամուլի խոսնակ Ալիսան Հաջիգադեյն:

«Ընդհանուր առմամբ, վերջին մի քանի շաբաթների ընթացքում Հայաստանի պաշտոնյաները սահմանափակվել են խաղաղության պայմանագրի վերաբերյալ հիմնականում հակասական հայտարարություններով: Դրանք խեղաթյուրում են խաղաղ գործընթացի իրողությունները: Հայկական կողմն առաջարկում է կնքել խաղաղության պայմանագիր՝ հիմնվելով ներկայումս համաձայնեցված դրույթների վրա: Սակայն ադրբեջանական կողմը նման մոտեցումն անընդունելի է համարում եւ բազմիցս հայտարարել է այդ մասին: Կա կանոն, որ փաստաթուղթը համաձայնեցված չի համարվում, քանի դեռ դրա բոլոր կետերը համաձայնեցված չեն», - հայտարարել է նա:

Ըստ Հաջիգադեյի, «նախագծի շուրջ բանակցություններն ընթանում են դռնփակ, կարելի է միայն ասել, որ այս պահին դրույթների մոտավորապես 80 տոկոսը համաձայնեցված է»:

«Անհնար է պարզապես բացառել անհամապատասխան կետերը: Որպեսզի խաղաղ համաձայնագիրը կայուն եւ հաջողակ լինի, անհրաժեշտ է հստակեցնել մի շարք խնդրահարույց հարցերը: Ընդհանուր առմամբ, համաձայնագրի նախագիծը ստորագրելու համար Հայաստանը նախ պետք է համապատասխան փոփոխություններ կատարի իր Սահմանադրության մեջ, որը ներկայումս տարածքային պահանջներ է պահպանում Ադրբեջանի նկատմամբ: Քանի դեռ Հայաստանի օրենսդրական ակտերից չեն բացառվել այդ պնդումները, երկու երկրների միջեւ խաղաղության մասին խոսք լինել չի կարող», - հայտարարել է նա:

Հիշեցնենք, որ Հայաստանի վարչապետ Նիկոլ Փաշինյանը մի քանի անգամ առաջարկել է Բաքվին ստորագրել իբրեւ խաղաղության համաձայնագիր այն կետերը, որոնք համաձայնեցված են: Ըստ Փաշինյանի, նախագծում կա 17 դրույթ, որոնցից ամբողջապես համաձայնեցված են 13-ը, եւս 3-ը մասամբ են համաձայնեցված, եւ կա անհամաձայնություն մեկ կետի շուրջ:

«ԱԶԱԿՑՈՒՄ» ԵՆ

Վաշինգտոնը միշտ էլ առիթներ է փնտրում Հայաստանի եւ Ադրբեջանի արտագործնախարարների հանդիպման համար: Այս մասին լրագրողների հետ ճեպագրույցի ժամանակ հայտարարել է ԱՄՆ պետքարտուղարության խոսնակ Մեթյու Միլլերը՝ պատասխանելով հարցին՝ արդյոք ԱՄՆ պետքարտուղար Էնթոնի Բլինքենը ՀՀ վարչապետ Նիկոլ Փաշինյանի ու Ադրբեջանի նախագահ Իլհամ Ալիևի հետ հեռախոսազրույցներից հետո ակնկալում է եւս մի հանդիպում կազմակերպել Նյու Յորքում:

«Մենք շարունակում ենք աջակցել երկու երկրների՝ կայուն եւ արժանապատիվ խաղաղության համաձայնագրի հասնելուն ուղղված ջանքերին: Նրանք զգալի առաջընթաց են գրանցել խաղաղության համաձայնագրի վերջնական ձեւակերպման ուղղությամբ, եւ մենք պարտավորվում ենք քննադատել կողմերին, այդ թվում՝ հանդիպում հրավիրել, եթե դա օգտակար կլինի», - ասել է Միլլերը:

ՄԱՅՐ ԱԹՈՐԸ ԶՐԱՎԵՐՆ ՌԻԱՐԿԵԼ Է

ԻՆՉՈ՞ՒՄ ԵՆ ԲՏԵՎԻ ՎԵՐԱՕԾՄԱՆ ԾԵՄԻՆ


Սեղանների 28-ին Սուրբ Տրդատի բաց խորանում տեղի կունենա Մյուռնոսոբնության սուրբ արարողություն, հաջորդ օրը՝ սեղանների 29-ին, կվերաօծվի Մայր Տաճարը:

Այսօր Մայր Աթոռ Սուրբ Էջմիածնի վարչատնտեսական բաժնի տնօրեն Գերաշիրի Տեր Մուշեղ եպիսկոպոս Բաբայանը հայտարարեց, որ հրավերներ ուղարկվել են իշխանություններին, իսկ ներկա գտնվելն իրենց որոշումն է:

ArmLur.am-ը փորձում է ճշտել ՀՀ պաշտոնյաներից՝ մասնակցելու՞ են Մայր Տաճարում անցկացվելիք միջոցառումներին:

ՀՀ նախագահի աշխատակազմի հասարակայնության հետ կապերի վարչության պետ ղեկավար Աղասի Մարգարյանից հետաքրքրվեցինք՝ Վահագն Խաչատուրյանն այդ օրը լինելու՞ է Էջմիածնում:

Մեզ հայտնեցին, որ հրավեր Մայր աթոռից ստացել են, սակայն զբաղված գրաֆիկի պատճառով, դեռ չեն որոշել՝ նախագահը մասնակցելու՞ է Մյուռնոսոբնությանը եւ Տաճարի վերաօծմանը, մասնակցության մասով որոշում լինելու դեպքում՝ հավելյալ կտեղեկացնեն:



Փորձեցինք տեղեկանալ նաեւ Երեւանի քաղաքապետարանից՝ արդյոք Տիգրան Ավինյանը ներկա կգտնվի՞ Մյուռնոսոբնությանը, թե՞ ոչ:

Երեւանի քաղաքապետի մամուլի քարտուղար Հայկ Կոստանյանը մեզ հետ



զրույցում ասաց, որ Տիգրան Ավինյանն այդ ընթացքում գործուղման է լինելու, այդ պատճառով չի կարողանա ներկա գտնվել Մյուռնոսոբնության արարողությանը:

Ք. ՍՈՒՇԵՂՅԱՆ

ԻՐԱՎԻՃԱԿ

ՈՐՏԵՂԻՑ ԵՆ ԿՈՒՏԱԿԿԵԼՈՒ ԳՈՒՄԱՐՆԵՐԸ

ԹՈՆԱԿԱՌՈՒ ԴԱՌՆԱԼՈՒՆ ԴԵՄ ԿԴԱՌՆԱՔ ՄԻԼԻՈՆԱՏԵՐ

ԽԱՂԱԿ

ԳՈՐԾԸՆԹԱՅԻ

ՀՆԱՐԱՎՈՐՈՒԹՅՈՒՆ

Գերմանիայի կանցլեր Օլաֆ Շոլցն անհրաժեշտ է համարում ուսումնասիրել Ուկրաինայում խաղաղ գործընթաց սկսելու հնարավորությունները: Այս մասին նա լրագրողներին ասել է Աստանա կատարած այցի ժամանակ:

Շոլցը հավաստիացրել է, որ Գերմանիան կշարունակի աջակցել Կիևին: «Մեզ համար պարզ է նաև, որ միեւնույն ժամանակ անհրաժեշտ է ուսումնասիրել իրավիճակի խաղաղ զարգացման հնարավորությունները», - նշել է նա:

Շոլցը շեղվել է ժամանակակից տեսնելու, թե ինչն է հնարավոր:

Գերմանիայի կանցլեր Օլաֆ Շոլցն անհրաժեշտ է համարում ուսումնասիրել Ուկրաինայում խաղաղ գործընթաց սկսելու հնարավորությունները: Այս մասին նա լրագրողներին ասել է Աստանա կատարած այցի ժամանակ:

Շոլցը հավաստիացրել է, որ Գերմանիան կշարունակի աջակցել Կիևին: «Մեզ համար պարզ է նաև, որ միեւնույն ժամանակ անհրաժեշտ է ուսումնասիրել իրավիճակի խաղաղ զարգացման հնարավորությունները», - նշել է նա: Շոլցը շեղվել է ժամանակակից տեսնելու, թե ինչն է հնարավոր:

ՀԱՐՎԱԾԵԼ Է «ՀԸԶԲՈՒԼԱՐ»-Ի ԶԵՆՔԻ ՊԱՐԵՍՏՆԵՐԻՆ

Իսրայելի ռազմաօդային ուժերը հարվածների շարք են իրականացրել Լիբանանի հարավային շրջանների ուղղությամբ: Թիրախները եղել են շիական «Հըզբոլլահ» շարժման զինված կազմավորումների օբյեկտները: Այս մասին հայտնում է երկրի բանակի մամուլի ծառայությունը:

Ծառայության տեղեկություններով՝ հարվածների թիրախը եղել են շիական կազմավորումների տարբեր ռազմական ենթակառուցվածքներ, այդ թվում՝ զենքի պահեստներ:

Հարվածները հասցվել են Լիբանանի հարավում գտնվող Բլիդա, Զֆար Շուբա, Թեյր Հարֆա եւ Էլ-Էդեյսե բնակավայրերի մերձակայքում:

ՄԻՆՉԵՎ 20 ՏԱՐՎԱ ՊԱՏԻԺ

ԱՄՆ Նախկին նախագահ Դոնալդ Թրամփի դեմ մահափորձի մեջ կասկածվող անձին սպառնում է մինչեւ 20 տարվա ազատազրկում եւ 500 հազար դոլար տուգանք՝ հրազեն պահելու արգելքը խախտելու համար:

Ինչպես փոխանցում է «ՌԻԱ Նովոստի», այս մասին նշված է հարուցված համապատասխան քրեական գործի մեջ:

«Հայցվորը հարգանքով հայտարարում է դատարանին, որ Ռայան Ուեսլի Ռուֆին մեղադրանք առաջադրելու հավանական պատճառ կարող է հանդիսանալ դատապարտված հանցագործի կողմից իրազեն եւ զինամթերք պահելու օրենքների խախտումը», - ասվում է հետաքննությունը վարող Հետախուզության Դաշնային Բյուրոյի կողմից Ֆլորիդայի դատարանին ուղղված հայտարարության մեջ:

2014 թվականից Հայաստանում ներդրված կուսակալին կենսաթոշակային համակարգի արդյունքում որոշ ֆաղափանքներ, կենսաթոշակային սարքին հասնելուն դեռ, կարող են դառնալ միլիոնատեր:

2023թ. դեկտեմբերի 31-ի դրությամբ ֆոնդերի մասնաբաժինների զուտ ակտիվների արժեքը ՀՀ-ում կազմել է 799.2 միլիարդ ՀՀ դրամ: 2024 թվականի ապրիլի 30-ի դրությամբ այն կազմել է ավելի քան 882 մլրդ դրամ:

Մինչեւ 500 հազար դրամ աշխատավարձի դեպքում պարտադիր կենսաթոշակային վճարների սոցիալական վճարների դրույքաչափերը հետեւյալ ժամանակագրությունն են ունեցել. 2020 թ. հունվարի 1-ից՝ 2.5%, 2021թ. հունվարի 1-ից՝ 3.5%, 2022-ի հունվարի 1-ից՝ 4.5%, 2023-ի հունվարի 1-ից՝ 5%:

Եթե աշխատողի աշխատավարձը գերազանցում է ամսական 500 հազար դրամը եւ մինչեւ 1 մլն 125 հազար դրամի միջակայքում է, ապա 2023 թվականից սոցվճարը հաշվարկվում է այսպես՝ պետական բյուջեից մասնակցի համար կատարվող ամսական վճարը կազմում է 25 000 դրամ:

Հարց է առաջանում՝ օրինակ, մահացության դեպքում, մահացածի կուտակային կենսաթոշակի հետ ի՞նչ է կինում:

Մահացած մասնակցի կենսաթոշակային ֆոնդերը ժառանգի կողմից ժառանգելու համար անձը ներկայացնում է ժառանգված կենսաթոշակային ֆոնդի մասնաբաժինները ստանալու դիմումը: Վերջինիս հետ միաժամանակ ժառանգը պարտադիր ներկայացնում է նաև նուտարի կողմից տրամադրված ժառանգության վկայագրի պատճեն:

ՕՐՎԱ ԽՃԱՆԿԱՐ

ԺԱՄԱՆԱԿԱՎՈՐԱՊԵՍ ԿՓՈՒՄՐԻՆԻ ԱՐԵՍՏՆԵՐԸ

Աժ Նախագահ Ալեն Սիմոնյանը կարգադրություն է ստորագրել. «Ղեկավարվելով «Ազգային ժողովի կանոնակարգ» սահմանադրական օրենքի 6-րդ հոդվածի 2-րդ մասի 3-րդ կետով եւ հաշվի առնելով Ազգային ժողովի նախագահի 2024 թվականի սեպտեմբերի 5-ի Կ-230-Ա կարգադրությունը՝ կարգադրում եմ.

1. 2024 թվականի սեպտեմբերի 17-19-ը Ազգային ժողովի նախագահի պարտականությունների ժամանակավոր կատարումը հանձնարարել Ազգային ժողովի նախագահի տեղակալ Հակոբ Արշակյանին»:

ԿՐԿԻՆ ՄԱՀՄԱՆԱԳՐՈՒԹՅԱՆ ՓՈՓՈԽՄԱՆ ՊԱՐԱՆՁ Է ԳՐԵԼ

Տարածաշրջանում արդեն խաղաղություն կա, բայց խաղաղության պայմանագրի համար կարելու է, որ ՀՀ-ն վերջ դնի իր Սահմանադրությամբ Ադրբեյջանի նկատմամբ տարածքային պահանջներին: Այս մասին ԱՄՆ պետքարտուղար Անտոնի Բլինքենի հետ հեռախոսազրույ-



Իսկ արդյոք կարո՞ղ եք ստանալ կուտակային կենսաթոշակային վճարը մինչեւ կենսաթոշակային տարիքը լրանալը:

Նախքան կենսաթոշակային տարիքը լրանալը, կարող եք ներկայացնել Ձեր կուտակային կենսաթոշակային հաշվում առկա միջոցներն ամբողջությամբ ստանալու պահանջ, եթե առկա է հետեւյալ պայմաններից որեւէ մեկը՝

Դուք օրենսդրությամբ սահմանված կարգով ճանաչվել եք աշխատանքային գործունեությամբ զբաղվելու կարողության երրորդ աստիճանի սահմանափակում ունեցող հաշմանդամ, կամ Հայաստանի Հանրապետության կառավարության սահմա-

նած ցանկում ներառված հիվանդություններով հիվանդանալու (վիճակներում գտնվելու) դեպքում առողջապահության բնագավառում Հայաստանի Հանրապետության կառավարության լիազոր մարմնի տված եզրակացության հիման վրա:

Այս տարի լրանում է Հայաստանում ներդրված կուտակային կենսաթոշակային համակարգի ներդրման 10-ը տարին: Ստացվում է, որ այս տասը տարում, մարդկանց մի մասն ավտոմատ դարձել է միլիոնատեր, եւ կենսաթոշակային տարիքը լրանալուն պես՝ կարող է դառնալ միլիոնատեր թոշակառու:

ՀԱՄԱ ՄԻՔԱՅԵԼՅԱՆ

ցի ժամանակ ասել է Ադրբեյջանի նախագահ Իլիլիամ Ալիևը:

«Պայմանագրի ստորագրման համար կարելու է, որ Հայաստանն իր Սահմանադրությամբ եւ այլ օրենսդրական ակտերով վերջ դնի Ադրբեյջանի դեմ տարածքային հավակնություններին, ինչպես նաև դադարեցվի անցյալի մասունք հանդիսացող ԵԱՀԿ Մինսկի խմբի եւ դրա հետ կապված բոլոր ինստիտուտների գործունեությունը», - ասել է Ալիևը:

Ի ՀԻՇԱՏԱԿ 2023 ԹՎԱԿԱՆԻՆ ԱՂԵՏԻՑ ԶՈՐՎԱԾ ԶԻՆԾԱՌԱՅՈՂՆԵՐԻ

Ա.թ. սեպտեմբերի 19-ին՝ ժամը 13:00-ին, Երեւան քաղաքի Կոմիտաս փողոցի Սուրբ Խաչ եկեղեցում կկատարվի հոգեհանգստյան կարգ՝ 2023 թվականի սեպտեմբերի 19-ին ադրբեյջանական ռազմական ագրեսիայի հետեւանքով նահատակված ու սեպտեմբերի 25-ին Ստեփանակերտ-Ասկերան ավտոճանապարհի նավթամթերքի պահեստում տեղի ունեցած պայթյունի հետեւանքով զոհված մեր հայրենակիցների հոգիներին խաղաղության համար: Այդ մասին հայտնում են Հայ Առաքելական Եկեղեցու Արցախի թեմից:

«Կոչ ենք անում միահամուռ կերպով մեր աղոթքները վերառաքենք Ամենակարող Տիրոջը, որ Նա խաղաղություն տանջեցյալների հոգիներին ու մխիթարություն բերի նրանց ընտանիքներին եւ մեր ազգին՝ մեր ունեցած կորուստների համար:

Հիշատակն արդարոց օրհնությամբ եղիցի»:

ՀԱՆԳԻՊՈՒՄ ՊԱՏՎԻՐԱԿՈՒԹՅԱՆ ՀԵՏ

«Մայր Հայաստան» դաշինքի պատվիրակությունը՝ Անդրանիկ Թեւանյանի գլխավորությամբ, հանդիպել է Դոնեցկի ժողովրդական Հանրապետության ղեկավար Դենիս Պուշլինին հետ: Այս մասին տեղեկանում ենք «Մայր Հայաստան» շարժման ֆեյսբուքյան էջից:

Անդրանիկ Թեւանյանը եւ Դենիս Պուշլինը փոխանակվել են հուշանվերներով: Պատվիրակության կազմում են «Մայր Հայաստան» շարժման առաջնորդ Անդրանիկ Թեւանյանը, Երեւանի ավագանու «Մայր Հայաստան» խմբակցության ղեկավար Մանուկ Սուքիասյանը, «Մայր Հայաստան» շարժման նախաձեռնող խմբի անդամ Բորիս Մուրազին եւ Երեւանի ավագանու «Մայր Հայաստան» խմբակցության անդամներ Սամվել Հակոբյանն ու Գրիգոր Իսկանդարյանը:

ԻՐԱՎԱԿԱՆ

ԻՆՉ Է ՍՊԱՍՎՈՒՄ

ԲՈՂՈՔԱՐԿՎԵԼ Է Ս. ՍԱՐԳՍՅԱՆԻ ԱՐԴԱՐԱՑՈՒՄԸ

ArmLur.am-ին երեկ հայցնի դարձավ, որ Գլխավոր դատախազությունը արդարացման որոշումը բողոքարկել է հակակոռուպցիոն դատարան:

2024 թվականի մայիսի 31-ին Երևանի ընդհանուր իրավասության դատարանը հրապարակել էր ՀՀ երրորդ աստիճանի Սերժ Սարգսյանի գործով դատախազի, որով Սարգսյանն արդարացվել է:

Սերժ Սարգսյանը մեղադրվում էր 2013 թ. պաշտոնատար մի խումբ անձանց կողմից, պետությունից վատնելու եղանակով, 489 մլն 160 հազար դրամի հափշտակության կատարումը կազմակերպելու մեջ:

Գործը վերաբերում է վառելիքի մատակարարման գործընթացում ենթադրյալ չարաշահումներին: Գործով ի սկզբանե ամբաստանվում էր 5 անձ: Նրանցից 4-ին՝ Սերժ Սարգսյանին, «Ֆլեշ» ընկերության նախկին սեփականատեր Բարսեղ Բեգլարյանին, գյուղատնտեսության նախկին փոխնախարար Սամվել Գալստյանին եւ Նույն նախարարության Բուսաբուծության վարչության պետ Գեորգ Յարոյանյանին մեղադրանք էր առաջադրվել Քրեական օրենսգրքի 38-179-րդ հոդվածի 3-րդ մասի 1-ին կետով (առանձնապես խոշոր չափերով յուրացումը կամ վատնումը):



Սերգո Կարապետյանին՝ 179-րդ հոդվածի 3-րդ մասի 1-ին կետով (առանձնապես խոշոր չափերով յուրացումը կամ վատնումը):

Գործի քննության ընթացքում Սամվել Գալստյանն ու Սերգո Կարապետյանը մահացել էին, եւ նրանց նկատմամբ քրեական հետապնդումը դադարեցվել էր:


Իսկ «Ֆլեշ» ընկերության սեփականատեր Բարսեղ Բեգլարյանը եւ Բուսաբուծության վարչության պետ Գեորգ Յարոյանյանը եւս արդարացվել են:

Նշենք, որ գործի վաղեմության ժամկետն անցել էր, ինչը եւս հիմք էր մեղադրական դատավճիռ չկայացնելու համար:

Ք. ՍԱՆՈՒԿՅԱՆ

ՕՏԱՐԱԶԳԻՆԵՐ ԵՆ ԵՂԵԼ

ՁԵՐԲԱԿԱՆՈՒԹՅՈՒՆ ԹՄՐԱՆՅՈՒԹԻ ԵՐՋԱՆԱՌՄԱՆ ԳՈՐԾՈՎ



ՀՀ քննչական կոմիտեի Երևան քաղաքի քննչական վարչության Քննչա-քննչություն վարչական շրջանի քննչական բաժնում ՀՀ քրեական օրենսգրքի 393-րդ հոդվածի 3-րդ մասի 2-րդ կետի հատկանիշներով քննվող քրեական վարույթի շրջանակներում կատարված ծավալուն քննչական եւ համատեղ օպերատիվ հետախուզական միջոցառումների արդյունքում պարզվել են Հնդկաստանի Հանրապետության երկու քաղաքացու կողմից խմբի կազմում, նախնական համաձայնությամբ, շահադիտական դրդումներով, իրացնելու նպատակով ապօրինի կերպով a-PVP տեսակի թմրամիջոց ձեռք բերելու, ապօրինի տեղափոխելու եւ պահելու դեպքի՝ քննության համար էական նշանակություն ունեցող հանգամանքներ:

«Ձեռնարկված ապացուցողական գործողություններով փաստական տվյալներ են ձեռք բերվել այն մասին, որ նշված անձինք թվով 120 տարբեր գույնի կաշուն ժապավեններով փաթեթավորված թմրամիջոցներ են ձեռք բերել, որոնց մի մասի հետազոտությամբ դրանք եղել են ընդհանուր առանձնապես խոշոր չափերով՝ 8,22 գրամ քաշով, «a-PVP» տեսակի թմրամիջոց:

Մասնավորապես՝ անձնական խուզարկությամբ հիշյալ անձանցից մեկի մոտ հայտնաբերվել է 30 տարբեր գույնի կաշուն ժապավեններով փաթեթներ, իսկ Երևան քաղաքի Ֆանարջյան փողոցում գտնվող Ջեյթոնի գերեզմանատան ավտոճանապարհի մայթերին կից խոտածածկ տարածքում կատարված դեպքի վայրի զննությամբ՝ 90 տարբեր գույնի կաշուն ժապավեններով փաթեթներ:

Ձեռք բերված բավարար փաստերի հիման վրա վերոհիշյալ անձանց նկատմամբ հանրային քրեական հետապնդում է հարուցվել՝ ՀՀ քրեական օրենսգրքի 393-րդ հոդվածի 3-րդ մասի 2-րդ կետով եւ առաջադրվել մեղադրանք:

Վարույթ իրականացնող մարմնի կողմից միջնորդություններ են ներկայացվել դատարան՝ վերջիններիս նկատմամբ կալանքը որպես խափանման միջոց ընտրելու մասին, որոնք բավարարվել են:

Նախաքննությունը շարունակվում է,- ասված է ԲԿ հաղորդագրության մեջ:

ՔՐԵԱԿԱՆ ՔՐՈՆԻԿՈՆ

ՈՂԵՐԳԱԿԱՆ ՎՐԱԵՐԹ

Սեպտեմբերի 14-ին ողբերգական դեպք է տեղի ունեցել Արմավիրի մարզում: Ժամը 19:30-ի սահմաններում Արմավիրի բնակիչ 32-ամյա Արման Պ-ն, նախկին պատգամավոր, երջանկահիշատակ Հակոբ Հակոբյանի (Ճոյտ) եղբոր փեսան, իր վարած «ՎԱԶ 2121» մակնիշի ավտոմեքենայով Զվարթնոց գյուղի Թ. Թորոմոնյան փողոցում վրաերթի է ենթարկել Արմավիրի մարզի բնակիչ 3-ամյա Ռաֆիկ Մ-ին: Ավանտեսները ArmLur.am-ին պատմեցին, որ երեխան անճանաչելի էր դարձել: Ողբերգությունից հետո, ցավոք, տարբեր մեկնաբանություններ ու շահարկումներ եղան, նույնիսկ ծնողական անուշադրության որակումներ:

Իսկ ինչպես է դեպքը տեղի ունեցել իրականում:

Նախ պետք է շեշտել, որ վերը նշված ժամանակահատվածում տարածքը մշտապես բազմամարդ է լինում: Բնակիչները հաստատում են, որ այգին բարեկարգելուց հետո, երեկոյան ժամերին այնտեղ երեխաների պակաս չի զգացվում:

ArmLur.am-ը տեղեկացավ, որ բնակելի այդ հատվածում թույլատրված է մեքենաների նվազագույն արագություն, իսկ ճանապարհի լայնքով թմբեր են կառուցված:

Դժբախտացած ընտանիքի տան եւ այգու միջեւ տարածությունը մի քանի մետր է. երեխաները մշտապես տանից այգի եւ այգուց տուն են վազվզում ընտանիքի որդեւ մեծահասակ անդամի ուղեկցությամբ:

Այդ օրն էլ բացառություն չէր...

Մինչ փոքրիկի հորաքույրը ակնթարթորեն նկատել է արագ սլացող մեքենան, դեպի երեխան վազելով՝ կանչել է,

որպեսզի կանգնի, հորաքույրը աչքի առաջ վարորդը հարվածել է երեքամյա փոքրիկին ու մի փոքր հատված առաջ շարժվել: Ավելին՝ ArmLur.am-ին հայտնի դարձավ, որ քննությամբ արգելակների հետագիծ, արգելակման որդեւ նշան չի հայտնաբերվել. թերեւս պատճառը վարորդի հավաքած արագությունն է եղել, քանի որ հորաքույրը չի հասցրել կանգնեցնել երեխային ու կանխել դժբախտությունը...

Ավանտեսները ArmLur.am-ին պատմեցին, որ վարորդը մեքենայում ուղեւորի հետ է եղել, որն էլ մեքենայից շտապ իջել է գրկել է երեխային: Տեսնելով փոքրիկի այլափոխված գլուխը՝ սարսափահար հետ է դրել գետնին, ապա օգնել է երեխային տեղափոխել: «Վաղարշապատ» բժշկական կենտրոն:

Մինչ ԲԿ հասնելը՝ երեխան մահացած է եղել:

Քննության շահերից ելնելով՝ վարորդի որոշ ինքնախոստովանական ցուցմունքներ չենք նշի, սակայն պետք է շեշտել, որ միայն շատ ուժեղ հարվածի դեպքում երեխան այդ սասիճան ծանր մարմնական վնասվածք կարող էր ստանալ. թեեւ վարորդը հայտարարել է, թե իրեն թվացել է՝ քար ընկավ մեքենայի անիվի տակ: Հաշվի առնելով փոքրիկի հարազատների վիշտը՝ այլ մանրամասներ չենք նկարագրում:

Հիշեցնենք, որ Shamshtyan.com-ը գրել էր, որ սեպտեմբերի 14-ին մահվան ելքով վրաերթ է տեղի ունեցել Արմավիրի մարզում: Ժամը 19:30-ի սահմաններում Արմավիրի մարզի բնակիչ 32-ամյա Արման Պ-ն իր վարած «ՎԱԶ 2121» մակնիշի ավտոմեքենայով Զվարթնոց գյուղի Թ. Թորոմոնյան փողոցում վրաերթի է ենթարկել Արմավիրի մարզի բնակիչ 3-ամյա Ռաֆիկ Մ-ին:

ՆՈՐԱՆՇԱՆԱԿ ՓՈԽՆԱԽԱՐԱՐԸ

Տեսական ժամանակ է՝ համացանցը քննարկում է արդարադատության նորանշանակ փոփոխության Սիրվարդ Գեորգյանի մեղայականը:

Հիշեցնենք, որ նա ավարտել է իրավաբանական ֆակուլտետը եւ ոչ միայն սովորել է նույն կուրսում Ռոբերտ Քոչարյանի դստեր հետ, այլև շատ մտերիմ հարաբերություններ է ունեցել նրա հետ: Փոխնախարարի նշանակումից հետո համացանցում են հայտնվել Սիրվարդ Գեորգյանի, Գայանե Քոչարյանի լուսանկարները. նկարներում Գեորգյանը կրծքին սեղմած պահել է Ռոբերտ Քոչարյանի գիրքը, սակայն հետո նորաթուխ փոխնախարարը հանդես է եկել մեղայականով, մոտավորապես այն բովանդակությամբ, թե՛ 200 այլ ուսանողների հետ եմ սովորել, նրանցից մեկն էլ Քոչարյանի դուստրն էր, իսկ ես «սոսուտ ԶԳ-ական եմ եւ շատ եմ սիրում Նիկոլ Փաշինյանին»:

Այսօր ArmLur.am-ը ԲԿ-ում փոխնախարար Սիրվարդ Գեորգյանին հարցեր ուղղեց այն մասին, թե իր նշանակումը միանշանակ չընդունվեց իշխող քաղաքական թմբի կողմից, Անդրանիկ Քոչարյանը եւ էլի մի քանիսը մտահոգված են, ինչպես է նա արձագանքում այս վերաբերմունքին:

Հարցրինք՝ «Ռոբերտ Քոչարյանի գիրքը գրկելը, ջերմ լուսանկարը նրա դստեր եւ ՀՀԿ-ական Արփինե Հովհաննիսյանի հետ, փաստորեն, բացասական ընկալում են առաջացրել Ձեր նկատմամբ. շփում կա՞ նրանց հետ եւ այդքան հեշտ հրաժարվում եք Ձեր ընկերներից հանուն բարձր պաշտոնի» (Հորույրը՝ ArmLur.am կայքում):

Ք. ՍԱՆՈՒԿՅԱՆ

● Ըստ ոստիկանության տվյալների՝ սեպտեմբերի 16-ից 17-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 92 դեպք, որից 2-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՏԱՎՈՒՇՈՒՄ ՏԻՎԵՑ ԱՌԱՋԻՆ ՓՈԽՐԱՏՈՒՑՈՒՄԸ

Տավուշի մարզպետ Յայկ Ղալումյանը սեպտեմբերի 6-ին որոշում է ընդունել, որ «Հայաստանի Հանրապետության Լոռու եւ Տավուշի մարզերում 2024 թվականի մայիսի 25-26-ը տեղացած հորդառատ անձրեւներով պայմանավորված հեղեղումների պատճառով առաջացած արտակարգ իրավիճակի հետեւանքով աղետի գոտում ֆիզիկական անձանց պատճառված վնասի փոխհատուցման կարգը հաստատելու մասին» ՀՀ կառավարության 2024թ. հուլիսի 4-ի թիվ 1043-Ն որոշման համաձայն՝ Նոյեմբերյան համայնքի Բագրատաշեն գյուղի բնակիչ Ղալիթ Յարոբյանյանին աղետի հետեւանքով անհատական բնակելի տանը պատճառված վնասի փոխհատուցման նպատակով տրամադրի 3 միլիոն 200 հազար դրամ: Մեր թղթակիցը զանգահարեց Բագրատաշեն գյուղի վարչական ղեկավար Սարգիս Անտոնյանին, նա հայտնեց, որ մայիսի 27-ին վարարած հեղեղը գետը Բագրատաշեն գյուղում հեղեղել է Ղալիթ Յարոբյանյանի տունը՝ մեծ վնաս պատճառելով տանը, այնտեղ եղած գույքին: Վարչական ղեկավարն ասաց, որ Ղալիթ Յարոբյանյանը Բագրատաշենում առաջինն է, ով հեղեղից վնասված տան համար փոխհատուցում է ստացել, առաջիկայում եւս 3 ընտանիք կստանա դրամական փոխհատուցում, դրա համար պահանջվող փաստաթղթերը այդ ընտանիքները ներկայացրել են: Ս. Անտոնյանն ասաց, որ հեղեղից վնասվել են Բագրատաշենի 6 ընտանիքների տները, որոնցից 4-ը կստանա դրամական փոխհատուցում, մնացած ընտանիքներից մեկը արտերկրում է բնակվում, մյուս տան համար փաստաթղթային խնդիրներ գոյություն ունեն: Վարչական ղեկավարն ասաց, որ դրամական փոխհատուցումը տրվում է տան առավելագույնը 80 քառակուսի մետրի համար, մեկ քառակուսի մետր մակերեսի համար՝ 40 հազար դրամի չափով: Ըստ՝ Ս. Անտոնյանի՝ հաջորդ փուլում դրամական փոխհատուցում կստանան ջրհեղեղից տուժած հողամասերի տերերը: Բագրատաշենում հեղեղից վնասվել են հիմնականում տնամերձ հողամասերը, որոնք ոչ մեծ չափերի են. գյուղում միայն երկու մեծ հողատարածք է ջրհեղեղից վնասվել:

ՀԱՆՁՆՈՒՄ ԵՆ ՆԱԵՎ «ԳՈՒԳԼ»-ՈՎ

Վերջերս Իջեան քաղաքից մեր թղթակցի ծանոթը պետք է մեքենայով գար գնար նրան հանդիպելու թղթակցի հայրական տանը՝ Նոյեմբերյան համայնքի Ոսկեվան գյուղում: Նա առաջին անգամ էր լինելու սահմանամերձ Ոսկեվան գյուղում, ճանապարհին ծանոթ չէր: Իջեանից մեր թղթակցին զանգահարեցին, թե «Գուգլ»-ը Կիրանց-Ոսկեվար ճանապարհի կեսը Աղբյուրի տարածք է ցույց տալիս ու «խորհուրդ տալիս» Իջեանից Նոյեմբերյան մեկնել Ալավերդիով, այդ ճանապարհին էլ ավելի քան 150 կիլոմետր է: Ստացվում է՝ սահմանազատման անվան տակ, միակողմանի կերպով, զիջում, տարածքներ են հանձնում նաեւ Գուգլ-ով: ՈՍԿԵՎԱՆ ՍՈՐԳՅԱՆ Տավուշ

ՀԱՅ-ՖՐԱՆՍԻԱԿԱՆ ԿՐԹԱԿԱՆ ԿԱՊԵՐ

ԴԱՍՄԱՎԱՆԴՄԱՆ ԽԹԱՆՄԱՆ ՀՈՒՇԱԳԻՐ

Կրթության, գիտության, մշակույթի եւ սպորտի նախարարության եւ ՀՀ-ում Ֆրանսիայի Հանրապետության դեսպանության միջեւ այսօր սեղի է ունեցել փաստաթղթերի ստորագրման արարողություն՝ ուղղված ՀՀ հանրակրթական ուսումնական հաստատություններում ֆրանսերենի դասավանդման խթանմանը եւ զարգացմանը:



Փաստաթղթերը ստորագրել են ԿԳՄՍ նախարար Ժաննա Անդրեասյանն ու ՀՀ-ում Ֆրանսիայի Հանրապետության արտակարգ եւ լիազոր դեսպան Օլիվիե Դըկոտիլին:

Միջոցառմանը ներկա են եղել նաեւ ԿԳՄՍ նախարարի տեղակալ Արթուր Մարտիրոսյանը, նախարարության եւ դեսպանության աշխատակիցներ:

Ժաննա Անդրեասյանը, որը ներկայումս ԿԳՄՍ նախարարության եւ ՀՀ-ում Ֆրանսիայի դեսպանության միջեւ արդյունավետ համագործակցության հերթական փուլը, նշել է՝ մեկնարկելիք ծրագիրն ամբողջությամբ համահունչ է հանրակրթության ոլորտում իրականացվող բարեփոխումներին:

«Հանրակրթության նոր չափորոշչով մենք դպրոցներում օտար լեզուների իմացությունը բարելավելու խնդիր ենք դրել: Կարելի էր եմ այն ջանքերը, որ ՀՀ-ում Ֆրանսիայի դեսպանության հետ հետեւողականորեն ներդրում ենք՝ ֆրանսերենի իմացության բարելավման ուղղությամբ: Ծրագրի շրջանակում դպրոցներում ներդրվելու են ֆրանսերենի ուսուցման նոր ծրագրեր, օգտագործվելու են նոր դասագրքեր եւ ուսումնական նյութեր, ինչպես նաեւ մեծ աշխատանք է տարվելու ուսուցիչների կարողությունների զարգացման ուղղությամբ՝ ձեւավորելով վերապատրաստող ուսուցիչների խումբ»,- ասել է ԿԳՄՍ նախարարը:

Ժաննա Անդրեասյանն ընդգծել է՝ տարիների ընթացքում ֆրանսերեն դասավանդող ուսուցիչների կազմակերպված համայնք է ձեւավորվել, որին նպաստել են նաեւ Ֆրանսիայի դեսպանության հետ համագործակցությամբ իրագործվող ծրագրերը:

«Հուսով եմ՝ նոր ծրագրի առաջին շահառուները՝ սովորողների հետ միասին, կլինեն նաեւ ուսուցիչները»,- ասել է նախարարը:

Նրա խոսքով՝ կիստակեցվի ֆրանսերենի խորացված ուսուցման ծրագրերով աշխատող դպրոցների ցանկը, որում այս պահին ընդգրկված է 19 դպրոց, սակայն դրանց թիվը կարող է ավելանալ՝ հաշվի առնելով, որ նոր ծրագրերը մեծ հետաքրքրություն կհարուցեն Սամվել Մարտիրոսյանը գրում է. «Հիշում եք, մի շաբաթ առաջ «Թեմու»-ի մասին էի գրել՝ անձնագրի տվյալների վերաբերյալ: Խոսում էի արտահոսքի վտանգի մասին. սհա այդ արտահոսքը եղավ մանրամասները ներկայացնում է Լեւոն Իսաջանյանը»:

տաքըրություն կներկայացնեն նաեւ այլ դպրոցների շրջանում:

Շնորհակալություն հայտնելով ՀՀ-ում Ֆրանսիայի դեսպանատանը՝ Ժաննա Անդրեասյանն ընդգծել է՝ ֆրանսերենի միջավայրը բարելավելու ՀՀ ջանքերն ուղղված են ֆրանսերենի երկրների շարքում մեր երկրի՝ ավելի կայուն եւ զարգացող ներկայացվածության ապահովմանը:

«2027 թվականին մեր երկիրը հանձնառություն է ստանձնել հյուրընկալելու Ֆրանկոֆոնիայի 10-րդ միջազգային մարզամշակութային խաղերը: Հատկապես նպատակադրված ենք բարելավելու ֆրանկոֆոնի միջավայրը, ինչպես նաեւ ընդլայնելու ու տարածելու ֆրանսերենի իմացությունն այս մեծ օրակարգի շրջանակում»,- եզրափակել է Ժաննա Անդրեասյանը:

ՀՀ-ում Ֆրանսիայի Հանրապետության արտակարգ եւ լիազոր դեսպան Օլիվիե Դըկոտիլին շնորհակալություն է հայտնել կրթության, մշակույթի եւ սպորտի ոլորտներում համագործակցության համար: Նրա խոսքով՝ Հայաստանի՝ Ֆրանկոֆոնիայի միջազգային կազմակերպությանն անդամակցությունը ռազմավարական նշանակություն ունի:

«Ֆրանսիայի դեսպանությունը պատրաստ է տարբեր մարզամշակութային միջոցառումներ կազմակերպելու փորձառությամբ կիսվել Հայաստանի հետ՝ 2027 թվականին կայանալիք Ֆրանկոֆոնիայի 10-րդ խաղերին ընդառաջ: Մեզ համար դեռ վառ է 2018 թվականին Ֆրանկոֆոնիայի 17-րդ գագաթնաժողովը Հայաստանում անցկացնելու հետ կապված հիշողությունը: 10 օրից Ֆրանսիայում տեղի կունենա Ֆրանկոֆոնիայի հերթական գագաթնաժողովը: Ֆրանկոֆոնիան մեր

երկրների միջեւ շատ առանձնահատուկ կապ է տարբեր ուղղություններով համագործակցության հնարավորություններ է ստեղծում»,- ասել է դեսպան Օլիվիե Դըկոտիլին:

Դեսպանն ընդգծել է նաեւ ոչ միայն Երեւանում, այլեւ Հայաստանի Հանրապետության մարզերում ֆրանսերենի ուսուցման տարածման անհրաժեշտությունը: Նա տեղեկացրել է՝ նախագծի շրջանակում Ֆրանսիան 600 հազար էվո է ներդնելու՝ Հայաստանում ֆրանսերենի ուսուցման օրակարգի բարելավման եւ սովորողների կարիքների աջակցման նպատակով:

Դեսպանի խոսքով՝ ծրագիրը նախատեսում է աջակցելու եւ ֆրանսերենի ուսուցման ջատագովներին՝ ուսուցիչներին:

«Հնարավորություն եմ ունեցել Հայաստանի հեռավոր քաղաքներում եւ գյուղերում հանդիպելու ֆրանսերեն դասավանդող ուսուցիչների, որոնք առանձնահատուկ սեր են տածում ֆրանսիական մշակույթի, գրականության եւ լեզվի հանդեպ ու շատ լավ գիտեն, թե ինչպես փոխանցել այդ սերը: Նախագծի նպատակն է նաեւ ֆրանսերեն դասավանդող ուսուցիչների համար մանկավարժական վերապատրաստումներ իրականացնել՝ նրանց զինելով նոր մեթոդաբանությամբ: Մեր մյուս նպատակը ֆրանսերենի խորացված ուսուցման ցանցի ընդլայնումն ու սովորողների կարիքների բավարարումն է: Վստահ եմ միասին կկարողանանք մեծացնել ֆրանսերենի գրավորությունը» - նշել է ՀՀ-ում Ֆրանսիայի դեսպանն ու շնորհակալություն հայտնել ֆրանսերենի զարգացման ու տարածման հարցում ներդրվող ջանքերի ու հետաքրքրության համար:

Ա. Ա.

ԱՆՁՆԱԿԱՆ ՏՎՅԱԼՆԵՐԻ ԳՈՐԾՈՒԹՅՈՒՆ

ՄԵԾ ԱՐՏԱՐՈՍՔ՝ «ԹԵՄՈՒ» ԿԱՅՔԻՑ

Անձնական Տվյալների դաշտամուրթի գործակալությունը հայտարարություն է արձանդակել:

«Temu առցանց առևտրի խանութից օգտվողներին խորհուրդ է տրվում փոխել գաղտնաբառը՝ անվտանգության նկատառումներից ելնելով»:

Հիշեցնենք, որ գրել էինք՝ վերջերս առևտրային բում առաջացրած Temu օնլայն շուփից արդեն հաստատված անձնական տվյալներ են արտահոսել:

Threat Actor-ը կարողացել է էքսֆիլտրացնել 87 միլիոն հաճախորդի տվյալ, որտեղ նշված է, որ այնտեղ կան նաեւ Հայաստանի Հանրապետության օգտատերերի տվյալներ. եւ ինչպես հասկանում եմ՝ արտահոսել է UserID, Username, e-mail, address, IP address, Gender, Phone Number, DOB: Կան այլ տվյալներ, որոնք գտնվում են Boolean մակարդակում, ինչը հնարավոր չէ իդենտիֆիկացնել մինչ չլինի ամբողջ տվյալների շտեմարանը»:

CayberHuab-ի ինժեներ Լեւոն Իսաջանյանը գրում է. «Ես ինչպես հասկանում եմ՝ Հայաստանի Հանրապետությունում օգտագործում են temu պլատֆորմը օնլայն առևտրի համար:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 9 պատահար, 17 անձ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«ՅՈՒՆԻԲԱՆԿ»

ՀԱՅՏԱՐԱՐՈՒԹՅՈՒՆ

2024 թ. հոկտեմբերի 2-ին՝ ժամը 11:00-ին, կազմակերպիչ «Յունիբանկ» ԲԲԸ կողմից ք. Երեւան, Կոմիտաս 62 հասցեում կանցկացվի աճուրդ հոլանդական եղանակով: Թիվ 52 լոտ՝ ոսկյա զարդեր 9,2 գր. ընդհանուր քաշով, որից 5,5 գր. ընդհանուր քաշով ոսկյա զարդ 500 հարգի՝ 85,400 ՀՀ դրամ, 3,7 գր. ընդհանուր քաշով ոսկյա զարդ 585 հարգի՝ 68,200 ՀՀ դրամ, լոտի մեկնարկային գինը՝ 153.600 ՀՀ դրամ: Թիվ 53 լոտ՝ ոսկյա զարդեր 9,1 գր. ընդհանուր քաշով, որից 4,1 գր. ընդհանուր քաշով ոսկյա զարդ 750 հարգի՝ 96,700 ՀՀ դրամ, 5 գր. ընդհանուր քաշով ոսկյա զարդ 585 հարգի՝ 92,000 ՀՀ դրամ, լոտի մեկնարկային գինը՝ 188,700 ՀՀ դրամ: Թիվ 54 լոտ՝ ոսկյա զարդ 7,5 գր. ընդհանուր քաշով (զուտ քաշը 7,2 գր.) 585 հարգի, լոտի մեկնարկային գինը՝ 132.700 ՀՀ դրամ: Թիվ 55 լոտ՝ ոսկյա զարդ 5.4 գր. ընդհանուր քաշով (զուտ քաշը 5.3 գր.) 585 հարգի, լոտի մեկնարկային գինը՝ 97,700 ՀՀ դրամ: Վերոնշյալ լոտերի մեկնարկային գինը, կապված աճուրդի օրվա դրությամբ ոսկու շուկայական գնի փոփոխության հետ, կարող է փոփոխվել մինչև մեկնարկային գնի 5 %-ի չափով: Լոտերը գրավի առարկա են, վիճակը՝ բարվոք: Աճուրդին մասնակցելու համար ներկայացնել անձնագիր, մասնակցի վկայական /տրամադրվում է տեղում/, հաղթող է ճանաչվում առավելագույն գին առաջարկած մասնակցից, նախավճարը՝ լոտի 5 տոկոսի չափով՝ վճարվում է կազմակերպչին աճուրդի բացումից առնվազն 30 րոպե առաջ, լոտի ուսումնասիրումը՝ մինչև աճուրդի բացմանը նախորդող յուրաքանչյուր երկուշաբթի եւ ուրբաթ օրերին՝ ժամը 9:00-13:00, ք. Երեւան՝ Կոմիտաս 62 հասցեում: Աճուրդի կանոնակարգին ծանոթանալու վայրը աճուրդի անցկացման վայրն է. պատճենը տրամադրվում է դիմումի հիման վրա:

Հեռ.՝ +374 43 00 42 27
Բանկը վերահսկվում է ՀՀ Կենտրոնական բանկի կողմից:

ԳՆԱՃ

Աշխարհի խոշորագույն հումքային բորսաների սեպտեմբերի 16-ի առևտրային նստաշրջանների արդյունքում սահմանվել են նավթի հետևյալ գները: Նյու-Յորքի NYMEX (New York Mercantile Exchange) բորսա՝ WTI (Light Sweet) տեսակի նավթի գինն աճել է 2.29%-ով և կազմել 70.57 դոլար: Լոնդոնի ICE (Intercontinental Exchange Futures) բորսա՝ Brent տեսակի նավթի գինն աճել է 1.74%-ով և կազմել 73.07 դոլար: Նավթի չափման միավորը բարելն է: Մեկ բարելը կազմում է 158.98 լիտր: Նյու Յորքի NYMEX-ն (New York Mercantile Exchange) ամերիկայի ֆյուչերսային բորսա է, որը հիմնադրվել է 1882 թվականին և զբաղեցնում է առաջին տեղը նավթային ֆյուչերսների առևտրում: Ներկայումս առևտուրը շարունակվում է երկու բորսայական միավորներով՝ NYMEX-ի՝ նավթի, գազի, պլատինի, պալադիումի, էթանոլի, ածխի, էլեկտրաէներգիայի եւ ածխածնի երկօքսիդի արտանետումների եւ COMEX-ի ոսկու, արծաթի, պղինձի, ալյումինի ուղղություններով: London Intercontinental Exchange (ICE)-ը Լոնդոնյան համաշխարհային ֆինանսական ֆյուչերսների եւ ընտրանքների բորսան է, որը հիմնադրվել է 1982 թվականին:

ՏՈՒԳԱՆՔՆԵՐ

ՀԴՄ ԿԻՐԱՌՄԱՆ ԿԱՆՈՆՆԵՐԻ ԽԱԽՏՈՒՄ

Պեսական եկամուսների կոմիտեն սեղեկացնում է, որ 2024 թվականի օգոստոս ամսվա ընթացքում արձանագրվել են հսկիչ դրամարկային մեքենաների կիրառման կանոնների խախտման 345 դեմ էլ շուրջ 126 մլն դրամի չափով տուգանք: Արձանագրված խախտումներից 11 դեմ էլ 11 հարկ վճարողի մոտ արձանագրվել է 1.0 մլն դրամ եւ ավելի տուգանք՝ ընդհանուր շուրջ 41.2 մլն դրամի չափով:



Հսկիչ դրամարկային մեքենաների կիրառման կանոնների խախտման դեպքերով 1.0 մլն դրամ եւ ավելի տուգանք արձանագրվել է փաստացի գործունեության հետեւյալ ոլորտներում.

- հացի կամ հացաբուլկեղենի արտադրության, կենցաղային կամ համակարգչային տեխնիկայի խանութի, հեղուկ եւ կոշտ վառելիքի առևտրի, մթերային խանութի, հագուստի, կոշիկի եւ գործվածքների առևտրի ոլորտներում 1 հարկ վճարողի մոտ 1 դեպքով արձանագրվել է 2.3 մլն դրամ տուգանք,
- հացի կամ հացաբուլկեղենի արտադրության, մթերային խանութի ոլորտներում 1 հարկ վճարողի մոտ 1 դեպքով արձանագրվել է 10 մլն դրամ տուգանք,
- հեղուկ եւ կոշտ վառելիքի առևտրի ոլորտում 1 հարկ վճարողի մոտ 1 դեպքով արձանագրվել է 2ուրջ 1.15 մլն դրամ տուգանք,
- հեղուկ եւ կոշտ վառելիքի առևտրի, ավտոգազացրակայանի ոլորտներում 1 հարկ վճարողի մոտ 1 դեպքով արձանագրվել է 2ուրջ 1.6 մլն դրամ տուգանք,
- մթերային խանութում 1 հարկ վճարողի մոտ 1 դեպքով արձանագրվել է 2ուրջ 2.1 մլն դրամ տուգանք,

- մթերային խանութի, առևտրի իրականացման վայրի կազմակերպման ոլորտում 1 հարկ վճարողի մոտ 1 դեպքով արձանագրվել է 2ուրջ 2.84 մլն դրամ տուգանք,
- մթերային խանութ, բանկային, վարկային, ապահովագրական կամ այլ ֆինանսական գործունեության ոլորտում 1 հարկ վճարողի մոտ 1 դեպքով արձանագրվել է 10 մլն դրամ տուգանք,
- մրգի եւ բանջարեղենի առևտրի ոլորտում 1 հարկ վճարողի մոտ 1 դեպքով արձանագրվել է 2ուրջ 1.66 մլն դրամ տուգանք,

- շինանյութի առևտրի ոլորտում 1 հարկ վճարողի մոտ 1 դեպքով արձանագրվել է 2ուրջ 2.9 մլն դրամ տուգանք,
- բանկային, վարկային, ապահովագրական կամ այլ ֆինանսական գործունեության, ոսկերչության, թանկարժեք քարերի մշակման, տնտեսական ապրանքների խանութի, մթերային խանութի ոլորտներում 1 հարկ վճարողի մոտ 1 դեպքով արձանագրվել է 2ուրջ 5.64 մլն դրամ տուգանք,
- այլ ոլորտներում 1 հարկ վճարողի մոտ 1 դեպքով արձանագրվել է 1 մլն դրամ տուգանք:

ՀՀ ՊԵԿ

ՏՆՏԵՍԱԿԱՆ

2025 ԹՎԱԿԱՆԻ ՊԵՏՔՅՈՒՋԵՐԻ ՆԱԽԱԳԻԾ

Վարչապետ Նիկոլ Փաշինյանի գլխավորությամբ Կառավարությունում տեղի է ունեցել խորհրդակցություն, որի ընթացքում քննարկվել են 2025 թվականի պետական բյուջեի նախագիծն ու հարկաբյուջետային շրջանակը:

Վարչապետի աշխատակազմից հայտնում են, որ ՀՀ ֆինանսների նախարար Վահե Հովհաննիսյանը նախ ներկայացրել է տնտեսական եւ հարկաբյուջետային ընթացիկ զարգացումները, բյուջեի մակրոտնտեսական շրջանակը, որոնց հիման վրա մշակվել է պետբյուջեի նախագիծը: Մանրամասներ են ներկայացվել ոլորտային ծախսերի եւ ըստ գերատեսչությունների առաջարկվող չափաքանակների վերաբերյալ: Անդրադարձ է կատարվել նաեւ ՀՀ Կառավարության առաջնահերթություններին եւ նպատակադրումներին, հարկեր/ՀՆԱ հարաբերակցության բարելավմանը, հարկաբյուջետային քաղաքականության կանխատեսումներին:

2025թ. պետական բյուջեի նախագծի առնչությամբ ծավալվել է մտքերի փոխանակություն, ներկայացվել են մի շարք հարցադրումներ եւ առաջարկություններ:

Նիկոլ Փաշինյանն ընդգծել է բոլոր գերատեսչությունների կողմից բյուջեով նախատեսված ծրագրերի եւ միջոցառումների արդյունավետ իրականացման անհրաժեշտությունը: Ամփոփելով խորհրդակցությունը՝ վարչապետը հանձնարարել է պետբյուջեի նախագիծը բերել վերջնական տեսքի՝ հաշվի առնելով խորհրդակցության ընթացքում ներկայացված առաջարկություններն ու դիտարկումները:

ՄՈՆԻԹՈՐԻՆԳ

ՀՀ սննդամթերքի անվտանգության տեսչական մարմնի ղեկավար Արմեն Հայրապետյանի կողմից հաստատված Բուսական ծագման մթերքում մնացորդային նյութերի, գենետիկորեն ձեւափոխված օրգանիզմների առկայության մոնիթորինգային ծրագրի պլանի համաձայն՝ հանրապետության բոլոր մարզերում գյուղացիական տնտեսություններից, պատահական ընտրության սկզբունքով, իրականացվում է բուսական ծագման մթերքների նմուշառում: Մնացորդային նյութերի եւ ԳՁՕ-ների հայտնաբերման համար նմուշառումներ են իրականացվում նաեւ խոշոր արտադրողների մոտ:

ՍՄՏՄ-ից հայտնում են, որ մնացորդային նյութերի հսկողության նպատակով կատարվող փորձաքննությունները Տեսչական մարմնի ենթակայությանը հանձնված «Հանրապետական անասնաբուժա-սանիտարական եւ բուսասանիտարական լաբորատոր ծառայությունների կենտրոն» ՊՈԱԿ-ի կողմից իրականացվելու են ԵԱՏՄ-ում ընդունելի ստանդարտներով եւ մեթոդներով՝ հնարավորինս սեղմ ժամկետներում:

Իրականացվելու է 13 մշակաբույսերի 121 նմուշառում, որոնք ենթարկվելու են 2416 փորձաքննության՝ 1509-ը՝ պեստիցիդների, 696-ը՝ ծանր մետաղների, 192-ը՝ սիտրատների եւ 19-ը՝ ԳՁՕ-ների մասով (խնձոր, դեղձ, ելակ, սալոր, խաղող կարտոֆիլ, լոլիկ, վարունգ, կարտոֆիլ, տաքդեղ, սմբուկ, ձմերուկ, սեխ (մնացորդային նյութեր) եւ եգիպտացորեն (ԳՁՕ)):

Մոնիթորինգի արդյունքները կամփոփվեն եւ կներկայացվեն մինչեւ տարվա վերջ:

Լաբորատոր փորձաքննությունների արդյունքների հիման վրա, անհամապատասխանություններ արձանագրած տնտեսությունների, ընկերությունների եւ անհամապատասխանություններով մթերքի նկատմամբ կիրականացվեն օրենքով սահմանված գործողություններ եւ կկիրառվեն պատասխանատվության միջոցներ: Կտարվեն նաեւ խորհրդատվական աշխատանքներ, կներկայացվեն ուղղիչ գործողություններ իրականացնելու առաջարկներ՝ հետագա խախտումները բացառելու նպատակով:

«Տոճովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՄԵԿԱՌԻՅԵ

ՇՆՈՐՀԱՆՈՒՄ

ՀՈՎԻԿ ԶԱՐԻՅԱՆԻ «ԵՐԿԻՐ ԱՆՎԱՐՏ»-Ը

Օրերս լույս տեսավ Հովիկ Զարիյանի «Երկիր անավարտ» վեպը...



կատար ու անավարտ, քանի դեռ դրա հիմքերը ամուր չեն, իսկ հիմնաքարը դնում ենք մենք՝ բոլորս ու յուրաքանչյուրս...

«Այս վեպը մեզնից յուրաքանչյուրի մասին է», - ասում է Զարիյանը: «Ամեն ոք կարող է գրքում գտնել իրեն՝ ընդհանրությունների ու տարբերությունների խաչման կետերում...

ՄԱՐԶԱԿԱՆ

ԱՇԽԱՐՀԻ ԱՄԵՆԱԲԱՐՁՐ ՎԱՐՉԱՏՐՎՈՂ ՖՈՒՏԲՈՒԼԻՍՏՈՒՐՆԵՐ

«Բարսելոնայի» կիսապաշտպան Այտանա Բոնմատին երկարաձգել է պայմանագիրը կատալոնական ակումբի հետ մինչև 2028 թվականի ամառ:

ՌՈՂՐԻՆ՝ ՄՍ-ՈՒՄ ԻՐ ԱՊԱԳԱՅԻ ՄԱՍԻՆ

«Մանչեսթեր Սիթի» կիսապաշտպան Ռոդրիկոն անգլիական ակումբի հետ պայմանագիրն ավարտելուց հետո խոսել է իր ծրագրերի մասին:

ՄԻՋՈՑԱՌՈՒՄՆԵՐ

ՀԱՄԱՏԵՂ ԵՐԳ՝ «ՀՐԱՆՏ ԳԻՆՔ» ԵՐԳՉԱԽՄԲԻ ՀԵՏ

Պոլսահայ երգչուհի Սիբիլը, որը միշտ պահպանում է կապը Հայաստանի երկրպագուների հետ, «Հրանտ Գինք» մանկական երգչախմբի հետ համագործակցությամբ երաժշտասերների դատին է հանձնել «Բարի լույս» ստեղծագործությունը:

թյուն աղերսող մանուկների համար», - ասվում է հաղորդագրության տեքստում: Երգը գրվել է Համո Սահյանի բանաստեղծության հիման վրա:

ԿԻԼԻԿԻԱ ՊԱՏՄՈՒԹՅԱՆ ՀԵՏՔԵՐՈՎ

Օրերս «Եվրոպական ժառանգության օրեր»-ի շրջանակում Հայաստանի պատմության թանգարանում տեղի ունեցավ «Այաս» ծովային հետազոտությունների ակումբի նախագահ, «Կիլիկիա» նավի նավապետ Կարեն Բալայանի բանախոսությունը՝ «Մի առագաստանավի պատմություն. Կիլիկիա» խորագրով:

Բանախոսն իր ելույթի ընթացքում ներկայացրեց Կիլիկիան Հայաստանի նավատեսակների կառուցման տեխնոլոգիան, ինչպես նաև իր կողմից կատարված հետազոտությունների արդյունքները Կիլիկիան Հայաստանի նավատորմի եւ նավագնացության մասին:

ՎԵՐԱԿԱՆԳՆՈՒՄ ԵՆ ՏԱՃԱՐԻ ՎՆԱՄՎԱԾ ՀԱՏՎԱԾՆԵՐԸ

Մայր Տաճարի զանգակատան առաստաղին քանդակագործ հատվածներ կան: Դրանք եւ Պողոս, Պետրոս առաքյալների պատկերները վնասված են, որոնք այս պահին մասնագետները ամրացնում են: Բացի այդ՝ վնասված են կամարները, դրսում որմնակարները շատ արագ են տուժում անձրեւներից եւ արեւից:

● Սեպտեմբերի 20-ին՝ 19:30-ին, Երեւանի պետական կամերային թատրոնում կրեմադրվի «5 + 1 պատմություն սիրո մասին» ներկայացումը: Տոմսերի արժեքը՝ 3.000-8.000 դրամ:



ՍՈՑԻԱԼԱԿԱՆ

ՀԱՐՑ. Ինչպե՞ս կարող եմ փոխել սոցիալական փաթեթի իմ հաճիվը: Խնդրում եմ ներկայացնել մանրամասն:

Գրիգոր Զալիբեկյան (41 տարեկան)



ՊԱՏԱՍԽԱՆ. Տեղեկացնում ենք, որ յուրաքանչ-յուր բյուջետային տարվա սոցիալական փաթեթի գումարների փոխանցման համար լրացվում է նոր դիմում: Սոցիալաթի հաշիվը կարելի է փոխել միայն նոր բյուջետային տարում՝ նախքան սոցիալական փաթեթի ընթացիկ տարվա առաջին գումարի փոխանցումը: Այս դեպքում աշխատողը դիմումի հետ միասին ներկայացնում է նոր բանկի կողմից տրված սոցիալաթի հաշվի մասին տեղեկանք, ինչպես նաև սոցիալաթի նախկին հաշիվը սպասարկող բանկից տեղեկանք՝ պարտավորություններ չունենալու վերաբերյալ: Սոցիալաթի հաշիվը փոխելու դեպքում աշխատողն իր հաշվի դրամական միջոցները սոցիալաթի հաշիվը սպասարկող նախկին բանկից սոցիալաթի հաշիվը սպասարկող նոր բանկ փոխանցելու համար նախկին բանկ է ներկայացնում նոր բանկի կողմից տրված սոցիալաթի հաշվի մասին տեղեկանք: Այդ տեղեկանքի հիման վրա սոցիալաթի հաշիվը սպասարկող նախկին բանկն աշխատողի սոցիալաթի հաշվում առկա դրամական միջոցները փոխանցում է սոցիալաթի հաշիվը սպասարկող նոր բանկի սոցիալաթի հաշվին:


ՀՀ աշխատանքի և սոցիալական հարցերի նախարարություն

«ԺՈՂՎՈՒՐԳ». Նշենք, որ սոցիալական փաթեթի հաշվում առկա դրամական միջոցները հնարավոր է կանխիկացնել կամ փոխանցել ցանկացած ուղղություններով միայն աշխատողի կենսաթոշակ ստանալու իրավունք ունենալու և սոցիալական փաթեթից օգտվելու իրավունքի դադարեցման ժամանակ (երբ դադարում է նրա՝ սոցիալական փաթեթ ստանալու իրավունքը, եւ նրա սոցիալաթի հաշվին առնվազն երեք ամիս սոցիալական փաթեթի գումարների փոխանցումներ չեն կատարվել) կամ աշխատողի մահվան դեպքում ժառանգի կողմից սոցիալաթի հաշվում առկա միջոցներն օրենքին համապատասխան ժառանգաբար նրան անցնելու դեպքում:

ԿՎՐԳ

ՀԱՐՑ. Կարելի՞ է արդյոք արժույթի վեցնեկ կոնկրետ օրերի համար, թե՞ ոչ:

Հասմիկ Կետիկյան (47 տարեկան)



ՊԱՏԱՍԽԱՆ. Տեղեկացնում ենք, որ «Արտոնագրային վճարների մասին» Հայաստանի Հանրապետության օրենքի 8-րդ հավելվածի դրույթների 12-րդ կետի համաձայն՝ անհատ ձեռնարկատերերի կամ իրավաբանական անձանց կողմից բացառապես հանդիսությունների, արարողությունների կամ համանման այլ միջոցառումների կազմակերպման համար նախատեսված, Երեւան քաղաքում եւ մարզկենտրոններում 300 մ2 եւ ավելի, այլ քաղաքներում եւ այլ վայրերում 200 մ2 եւ ավելի, սահմանամերձ գյուղերում 100 մ2 եւ ավելի մակերես ունեցող սրահներում հանրային սենդի ոլորտում գործունեություն իրականացնելու դեպքում կարող է տրամադրվել արտոնագիր որեւէ ամսվա օրվա կամ օրերի համար:

ՀՀ պետական եկամուտների կոմիտե

«ԺՈՂՎՈՒՐԳ». Նշենք, որ «Արտոնագրային վճարների մասին» օրենքի համաձայն՝ յուրաքանչյուր գործունեության տեսակի մասով յուրաքանչյուր ժամանակահատվածի եւ յուրաքանչյուր գործունեության իրականացման վայրի համար տրվում է առանձին արտոնագիր:

Ի դեպ, ընթացիկ տարում արտոնագրային վճար վճարող հանդիսանալուց դադարելու, գործունեությունը դադարեցնելու կամ ժամանակավոր կասեցնելու դեպքերում վճարված արտոնագրային վճարները չեն հաշվանցվում եւ չեն վերադարձվում անկախ այն բանից, թե որ ժամանակահատվածի համար է վճարվել արտոնագրային վճարը:

ՏԵՂԵԿԱՅՎԱԾ

ԼՈՒՐ ԿԱԴՐ

Լուսանկարը՝ համացանցից



Այսօր՝ սեպտեմբերի 18-ին, Հայաստանում նշվում է Աստղագիտության օրը. փոքրիկ տոնը համընկնում է նաև Կիկտոր Համբարձումյանի ծննդյան օրվա հետ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկիստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբար ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+8 + 11 +24 + 29	Արարատ	+17 + 20 +33 + 35
Կոտայքի լեռներ	+8 + 11 +25 + 29	Արմավիր	+15 + 18 +33 + 35
Կոտայքի նախալեռներ	+16 + 18 +29 + 30	Վայոց ձորի լեռներ	+9 + 11 +25 + 27
Գեղարքունիք	+9 + 11 +23 + 28	Վայոց ձորի նախալեռներ	+17 + 20 +32 + 35
Լոռի	+9 + 14 +23 + 27	Սյունիքի հովիտներ	+17 + 21 +33 + 35
Տավուշ	+12 + 17 +27 + 30	Սյունիքի նախալեռներ	+14 + 17 +29 + 32
Արագածոտնի լեռներ	+9 + 12 +23 + 27	ԼՂՀ	+13 + 16 +27 + 31
Արագածոտնի նախալեռներ	+15 + 18 +27 + 31	Երեւան	+24 + 26 +30 + 32

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 17.9.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: